



Ափյուռք

ԹԵՄԱԿԱՆ ՊԱՏԳԱՄԱՎՈՐԱԿԱՆ ԸՆՏՐՈՒԹՅՈՒՆՆԵՐ ԵԳԻՊՏԱՀԱՅ ՏԻՐԱԽՆԱՄ ԹԵՄՈՒՄ

Հայոց Հայրապետին ուղղած իր նույն-
բեր 24 թվակիր պաշտոնական գրության
մեջ եգիպտահայոց առաջնորդական տե-
ղապահ տ. Ներսէս Ծ. վրդ. Բապունյանը
հաղորդում է վերջերս Կահիրեում և Ալեք-
սանդրիայում կատարված թեմական ամ-
բողջական ընտրությունների մասին, ըստ
համայնքի ներքին կանոնագրքի, և Նորին
Սուրբ Օծությանն է ներկայացնում «զույգ
թեմական ժողովներու և անուցմե բխող
բոլոր մարմիններուն հավատարմական և
որդիական զգացումները»:

Հոկտեմբերի 26-ին կատարվել են Կահի-
րեի թեմական ընտրությունները՝ «համե-
րաշխ և եղբայրական մթնոլորտի մը մեջ»:

Ընտրությանը մասնակցող բոլոր կազմա-
կերպություններն ու շրջանակները նախա-
պես մամուլին են հանձնել մի համաձայ-
նագիր՝ ազնիվ ու բարի նպատակ ունենա-
լով ընտրություններին ներկայանալ «հա-
մագործակցական ցանկով մը, կարենալ
իրագործելու թեմիս եկեղեցական, կրթա-

կան, կարվածական և վարչական գործե-
րը»:

Կողմերի սույն համաձայնագիրը ջերմո-
րեն և լեանդավառությամբ է ընդունվել
«իբրև արտահայտությունը՝ ողջմիտ և գի-
տակից ընտրողներուն զգացումներուն ու
կամքին»:

Հոկտեմբերի 26-ին ընտրվել են Կահի-
րեի թեմական ժողովի 24 անդամներ:

Հոկտեմբերի 31-ին նորընտիր թեմական
ժողովը գումարել է իր առաջին նիստը և
ընտրել իր Դիվանը.

Պոլ Բիլիտջյան՝ ատենապետ.

Դոկտ. Սուրեն Բալթաթյան՝ ատենադպիր:
Այս տեղի է ունեցել Գործադիր մարմնի
կամ Բաղաքական ժողովի յոթ հոգուց
բաղկացած կազմի ընտրությունը.

Վահան Չեչենյան՝ Ա ատենապետ.

Սարգիս Սարգիսյան՝ Բ ատենապետ.

Նորայր Տեովկեթյան՝ ատենադպիր:

Նոյեմբերի 9-ին տեղի են ունեցել նաև
Ալեքսանդրիայի հայոց թեմական ժողովի
ամբողջական ընտրությունները, դարձյալ

համերաշխ ու եղբայրական մթնոլորտում:
Այստեղ ևս ընտրվել են թեմական ժողովի 24 անդամներ:

Թեմական ժողովը նոյեմբերի 21-ին գումարել է իր առաջին նիստը և կազմել իր Դիվանը:

Մարտիկ Զարպհանեյան՝ ատենապետ:

Նորայր Պենոհանյան՝ ատենադպիր:

Այս ընտրվել է յոթ հոգուց բաղկացած Քաղաքական ժողովի նոր կազմ:

Վահան Ալեքսանյան՝ Ա ատենապետ:

Ստեփան Ստեփանյան՝ Բ ատենապետ:

Նուբար Դավթյան՝ ատենադպիր:

Թեմական ժողովների ընտրությամբ եգիպտահայոց թեմի կյանքը մտել է իր բնականոն ընթացքի մեջ:

Հայոց Հայրապետը գոհունակությամբ է տեղեկանում եգիպտահայ թեմում կատարված պատգամավորական ընտրությունների արդյունքների մասին և շնորհավորում այդ ընտրությունները՝ այն ջերմագին բարեմաղթությամբ, որ եգիպտահայ թեմի եկեղեցական, կրթական, մշակութա-

յին, ազգային գործերը շարունակվեն այսուհետև համերաշխ ու եղբայրական մթնոլորտում՝ ի սփոփանս հայրական Իր սրտի և ի մխիթարություն թեմի հայության, ի պայծառություն մեր եկեղեցիների ու կրթական հաստատությունների, եգիպտացի ազնիվ ու հյուրընկալ ժողովրդի ծոցում, ուր հայ ժողովուրդը ապրում է խաղաղ ու բարօր՝ որպես շինարար ու կարգապահ քաղաքացի մեծ Եգիպտոսի:

«Էջմիածին» ամսագրի խմբագրությունը, հանուն Հայոց Հայրապետի, շնորհավորում է եգիպտահայության թեմական ընտրություններում հանդես եկած համերաշխության ոգին՝ բարեմաղթելով, որ համագործակցության շինարար ու ազգօգուտ այդ նոր ոգին դառնա ամուր հիմքը թեմի եկեղեցական, կրթական, ազգային բեղուն գործունեության բոլոր բնագավառներում և ապացույցը՝ եգիպտահայ թեմի կենսունակության ու բարօրության՝ ի փառս մեր սուրբ եկեղեցու և ի մխիթարություն մեր ժողովրդի:

